

TE HEEHURAA API

I neia i te piha neneiraa na te Ekalesia a Iesu Mesia i te F'eia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 5.

Me 1927.

Mat. 21.

*E rave â hoi oe, e te tamaiti a te taata na, i te hoê raau,
a papai ai i nia iho, Na Iuda e na te tamarii a Iseraela, o
to'na ra mau hoa; e mai te reira hoi, a rave ai i te tahi raau,
a papai ai i nia iho, Na Iosepha, te raau na Epharaima, e
te utuafare atoa o Iseraela, o to'na ra mau hoa; a taati ai i
te tahi i te tahi ia hoê â raau; e ia riro ei hoê i roto i to rima
na. (Ezekiela 37:15-17)*

Te Bibilia e te Buka a Moromona

(E tuatiraa teie nei parau.)

TE PARAU TUATAPAPA O TE BUKA A MOROMONA: Ua papu
ia tatou te parau tuatapapa o te Bibilia, e ua ite tatou i ta-
na tahitoraa, oia hoi, e 3491 matahiti i teie nei â. A feru-
ri tatou i nia i te parau tuatapapa o te Buka a Moromona.
A taiô tatou i te Genese 11:4-5. Eaha te matahiti i tupu
ai te ohipa i parauhia nei? Tera te pahonoraa, ua tupu ia
i te matahiti 2247 hou te Mesia (A hiô i te pae i nia o te mau
api i roto i te Bibilia, i reira i faaitohia'i te matahiti o te
mau mea i papaihia i nia i te api.)

A hiô tatou i te parau papai i roto i te Buka a Moromo-
na, Etera 1:2-4,33, "E te iriti nei au i te parau nei no roto
i na api e piti ahuru ma maha tei itehia e te mau taata o

Limehi ra, tei parauhia i te buka a Etera.

“E no te mea te manaó nei au e, tei te ati Iuda te tufaa matamua o taua parau tuatapapa ra, o tei parau i te hama-niraa i teie nei ao, e ia Adamu hoi, e i te mau mea i tupu i rotopu i te tamarii a te taata nei e tae noa’tu i te anotau o te pare rahi ra; No reira, aita vau e papai i te mau mea i tupu mai te mahana o Adamu e tae noa mai i taua tau ra; ua papaihia râ i nia iho i taua mau api ra; e o te ite i taua mea ra e roaa ia’na te mana ia faaite atu oia i te mau parau e hope roa aéra.

“I tae mai Iareda ra, e to’na taeae atoa, e to raua tau fetii, e te tahi mau taata, e to ratou mau fetii atoa, mai te pare rahi maira, e te tau i faahuru ê ai te Atua i te reó o te taata, e i tapu ai hoi i to’na ra riri e riro ratou i te purara ê i te mau fenua atoa o teie nei ao: e mai te au i te parau a te Fatu ra ua purara ê atura te taata.”

Ua tupu teie nei mau mea i te tau matamua, e ua papaihia teie mau parau i te matahiti 2247 hou te Mesia. Ua papu ia tatou i te tahitoraa o teie nei mau parau tuatapapa, oia hoi e 4173 matahiti, e ua ite i te parau tuatapapa no te Buka a Moromona e 756 matahiti tahito aé i te matahiti o te Bibilia.

TE HURU O TE BUKA A MOROMONA: Ua papaihia teie mau parau i raro nei i roto i te I Nephi 13: e te mau irava mai te faaitehia.

12. “E ua hió atura vau, ite atura i te hoé taata i rotopu i te Etene i faataa-ê-hia i te huaai o to’u na tuaana i te moana rahi ra; e hió atura vau i te Varna o te Atua i te pouraa mai i raro e te faaururaa ia’na; e ua haere atura oia na nia i te moana rahi ra e tae atura i te huaai o to’u na tuaana, tei te fenua i parauhia ra.

17. “E ua hió atura vau e, ua putuputu te mau Etene metua i nia i te moana e i nia hoi i te fenua e tamaí ia ratou.

18. "E ua hió atura vau e, tei ia ratou te mana o te Atua, e tei nia hoi te riri o te Atua ia ratou atoa tei putu-putu e tamaí ia ratou ra.

19. "E ua hió atura vau, o Nephi, e te mau Etene i haere atu mai roto atu i te títíraa ra, ua faaorahia ia ratou e te mana o te Atua i te rima o to te mau fenua atoa.

23. "Ua parau maira oia, A hió na, te tae mai nei te reira mai roto mai i te vaha o te ati Iuda: E ua hió atura vau, o Nephi, i te reira; e ua parau maira oia ia'u, Te buka ta oe e hió nei, o te papaa parau ia o te ati Iuda tei papaihia i te mau parau faufaa a te Atua ta'na i parau i te utuafare o Iseraela; e ua papaihia hoi te reira i te mau tohu e rave rahi a te mau peropheta moá ra; e papaa parau ia mai ta tei ootihia i nia i te mau api veo ra, maori râ ua iti ia; area râ ua papaihia te reira i te mau parau faufaa a te Fatu ta'na i faaan i te utuafare o Iseraela ra; e mea faufaa rahi ia i te Etene.

28. "E teie nei, ua hió oe, ia tae taua buka ra i roto i te rima o taua ekalesia rahi ra e te faufau, ua iriti-ê-hia'tu te mau mea papu e te faufaa hoi e rave rahi no roto i taua buka ra; o te buka ia a te Arenio a te Atua.

32. "E ore te Fatu te Atua e faatia ia parahi noa'tu te mau Etene i roto i te vairaa matapo riáriá, ta oe i hió ia ratou ra, no te mau parau papu e te faufaa roa o te evanelia a te Arenio i hunahia e taua ekalesia faufau ra, no'na te niu ta oe i hió ra.

38. "E ua hió atura vau i te toea o te huaai o to'u na tuaana, e te buka hoi a te Arenio a te Atua, tei tae mai no roto i te vaha o te taata ati Iuda ra, ua tae maira te reira mai te mau Etene mai i te toea o te huaai o to'u na tuaana.

39. "E tae maira te reira ia ratou, e ua hió atura vau i te tahi atu â na buka, tei tae mai no te mana o te Arenio, mai te mau Etene mai ia ratou ra, i te faaite-papu-raa i te

HISTORIAN'S OFFICE

Church of Jesus Christ of Latter-day Saints

47 East South Temple St.

SALT LAKE CITY, UTAH

mau Etene, e te toea hoi o te huaai o to'u na tuaana, e te ati Iuda atoa i haapurarahia i te mau vahi atoa o te fenua nei ra, e parau mau te mau papaa parau a te mau peropheta e te mau aposetolo tino ahuru ma piti a te Arenio ra."

Eaha te auraa o te parau i roto i te mau irava 12, 17-19 i nia nei? Teie ia, i roto i te reira parau te vai ra te hoé tohu, oia hoi, te vai ra te tau e ite ai te hoé taata i te fenua a te Atua. Ua ore anei teie tohu, e aore ra, ua tupu anei? E, ua tupu ia i te matahiti 1492 na muri i te Mesia. O Columbus te i'oa o taua taata ra. Ua tupu atoa te parau i roto i te irava 17-19 i roto i te matahiti 1776, e ua tiamâ te hau Marite i to'na hau metua, oia hoi, Baretane. Ua tupa atoa te mau parau i nia nei e hope roa aé. Te vai ra e piti buka a te Fatu mai te au i te parau i roto i Ezekielia 37:16-17, oia hoi, te raau o Iosepha te Buka a Moromona ia.

E homa, a taió maitai i te mau parau papai, e faaroo hoi i te mau parau maitatai no te mea, te parau mai nei te Fatu e, "Te mau mea maitai, no te Atua ia, e te mau mea ino, no te diaboló ia;" no reira a tatarahapa outou i ta outou mau hara e faaroo i te mau parau o te mau tavini a te Fatu e bapetizohia, ia matara ta outou mau hara. Eiaha outou e vare i te mau Ekalesia êê, no te mea te faaitchia maira e te Mesia e, "E nahea ia te ekalesia na'u, ia ore ia parauhia i to'u i'oa? Ia parauhia hoi i te ekalesia i te i'oa no Mose, ua riro ei ekalesia na Mose, e ia parauhia ia i te i'oa no te taata, ua riro ia e ekalesia no taua taata ra i reira; ia parauhia râ ia i to'u ra i'oa, e ia patu mau-hia i nia i ta'u ra evanelia, e ekalesia no'u ia i reira;" No reira a haapao maitai tatou i te parau i Mataio 7:13-15. E haapao atoa i te mau orometua haayare e te mau orometua tei porohaere i te Evanelia no te faufaa a teie nei ao, oia hoi, te moni, e te ahū nehenehe, e te mau mea o teie oraraa nei. Ia ora na.

— Viliamu Biridi

Paradaiso

Ei pahonoraa i te mau parau i papaihia i roto i te TIARAMA
no te avae Novema.

E HOA INO MA E, e te taata'toa tei taió i teie vea: Ia
Ora Na. Tei mua ia'u nei te *Tiarama* no te avae
Novema, e ua taió vau i taua vea nei mai te anaanatae rahi.
E mea huru au hoi ta outou tatararaa i te parabole no te
taata taoá e Lazaro; ia hió noa'tu no te pae au taata. Te
vai ra râ te hoé vahi toe ia outou, oia hoi, mai te au i ta
outou iho uiraa e, "Nahea tatou e ite ai e, e vahi faeearaa
o Paradaiso no te mau varua i muri aé i te pohe?" No
reira na roto i teie nei parau iti, e tamata ia vau i te haama-
ramarama ia outou.

Ua na ô maira ta outou uiraa e, O Paradaiso nei, e ere
anei o te basileia iho â ia? Tera ia te pahonoraa papu, e
ere. Te piti o ta outou uiraa, "e ere anei ia o te faeearaa
mau no te Atua?" Tera faahou mai te pahonoraa, e ere
roa.

Te parau mai nei outou e, ua tuu matou i te hoé haa-
piiraa ê i roto i te vaha o Iesu, e ua rave matou i te hoé
irava ei faahapa i te tahi. Mai te mea, ua na reira matou,
te vai nei te oto rahi i roto i to matou nei aau. Ua tupu
râ ta'u manaó e, te oto atoa nei outou i te mea e, na roto i
ta outou tatararaa i te auraa no Paradaiso, ua faaite papu
maira outou e, e taata haavare mau o Iesu Mesia. No reira,
ua manaó aénei au e, e ere i te mea tia ia parauhia Iesu e
taata haavare.

Te parau nei outou e, o Paradaiso ra, o te Basileia mau
ia o te Atua e to'na faeearaa. Ua parau maira Iesu i te
taata rave parau ino i nia i te satauro i pihai iho ia'na, na
ô maira, "Ei paradaiso ia oe e o vau atoa i teie nei â maha-
na, oia mau ta'u e parau atu ia oe nei." (Luka 23:43) E e
toru mahana i muri iho, ua parau maira oia ia Maria,

“Eiaha e tapea mai ia’u; aore â vau i tae i nia i tau Metua ra.” (Ioane 20:17) E teie nei e homa, o vai ta Iesu i haavare, te taata i nia i te satauro anei, e aore râ, o Maria anei?

Ua parau faahou maira outou e, “Ia au i te parau a te *Heheuraa Api*, e tae atoa te feia hara i Paradaiso”. Oia mau tena mau parau ta outou i parau na. Ua ite papu matou, e tae te taata hara i Paradaiso. E haapii anei outou e, e ere teie taata rave parau ino i nia i te satauro e taata hara? E taata hara iho â oia, e ua parau maira Iesu, e tae taua taata hara ra i Paradaiso. Nahea e nehenehe ai ia matou ia patoi ia Iesu?

Mai te mea râ, e parau outou e, ua faaorehia te mau hara a teie taata eiâ; eaha atura te faufaa ia faaino noa â outou i te haapaoraa Katolika? Te tiaturi nei outou i ta’na mau haapiiraa. Eaha’tura hoi te faufaa, ia titau tatou i te oraraa maitai i roto i teie nei ao; mai te mea, ua nehenehe ia tatou ia rave i te ohipa iino i roto i teie nei ao, ei te taime tatou e pohe ai, haamanaô ia Iesu e na’na e afai atu ia tatou i te basileia o te Atua ra?

Te parau mai nei te *Tiarama* e, aita ta te feia pohe e parau faahou, e aita hoi e ohipa, e tae noa’tu i te mahana tia-faahou-raa. Ua taiô mai hoi outou i te parau i roto i te Ioane 11:11-14; ua na ô maira ta outou faaiteraa e, “Aita oia (Lazaro) i nehenehe ia paraparau faahou i tei ora nei, e aore râ i tei pohe.” Taiô noa’tu â van i te reira na irava aita roa’tu i itehia tera mau parau i roto ra.

Ua tau-faahou maira outou i te parau i papaihia i roto i te Ioba 14:21, o tei na ô mai e, aore te Metua e ite i te ohipa e ravehia e ta’na ra mau tamarii i muri aé i te poheraa. Ia haapapu râ tatou i te auraa no te reira pene taatoa, e ite papu ia tatou e, e mau parau anaé teie no te tino tahu-ti nei e to’na hopea.

A hió tatou i te I Petero 3:19. Te faaite mai nei taua parau ra e, ua haere Iesu e aó i te evanelia i te mau varua i tapeahia i te tapearaa. E ua haere oia a vai ai to'na tino i roto i te menema. (R. V. Eddition of Bible) E teie nei, mai te mea e, e mea pohe te mau varua i muri aé i te poheraa o te tino, eaha ia te faufaa ia aóhia te evanelia ia ratou? Area râ, e mea ora te mau varua, ua nehenehe ia ratou ia faaroo, ua nehenehe hoi ia tiaturi e ia tatarahapa hoi; e farii mai i te evanelia a te Mesia. Ahiri aita ra, aita ia Iesu i haere e aó i te evanelia ia ratou.

I reira Iesu i farerei ai i te taata eiâ, i te tapearaa i te vahi ta'na i haere i taua mahana ra, oia hoi i Paradaiso; eiaha i te basileia o te Atua, no te mea, e toru mahana i muri iho, ua faaite oia ia Maria, aita â oia i tae i reira.

E no reira e homa, e mea ê Paradaiso, e mea ê hoi te basileia o te Atua.

Ua tuu mai outou i te mau manaó o te Feia Ite no nia iho i te parabole. Na roto hoi i te reira, e mea papu ia e, ua tiaturi outou i te parau a taua Feia Ite ra. No reira, a taió outou i te buka tatararaa o te Bibilia i papaihia e J. R. Dummelow, o tei parauhia te taata ite roa i te fenua Baratané. Ua na ô maira oia e, "Te Ouma o Aberahama; tei te hoé i'oa i matauhia e te Ati Iuda ra, e ere râ ia te i'oa o te Basileia o te Atua ra, te i'oa râ ia no te hoé faaearaa o te mau Varua i muri aé i te pohe. Te vai atura te mau i'oa i faaauhia no taua i'oa ra, oia hoi, Paradaiso, e te ô Edene." Ua na ô faahou maira oia i raro mai, "Te mau varua o tei faataa-é-hia i te tino nei, na roto i te pohe, te vai ra ia ratou te feruriraa e te ite hoi i te mauini e te caoa. Ua vai noa â te oraraa o te varua i muri aé i to'na taa-ê-raa i te tino. E ua riro teie manaó ei patoiraa i te manaó e, ua

tacto te varua a pohe ai te tino, eita hoi e ora mai e tae noa'tu i te tia-faahou-raa."

"Te ere ra râ te hoé o outou i te ite, e ani oia i te Atua ra, o tei horoa hua mai i te maitai i te taata a'oa ra, ma te patoi ore; e e horoahia mai ta'na. E ani râ oia ma te faaroo, eiaha e feaa, o tei feaa ra, e au ia i te aru miti i patuhia e te matai e fetoto aéra. (Iakobo 1:5-6)

Papaihia e --Ioane Orotona



PUPU PU BOY SCOUTS I UTAHA

Ma
ana
fatu
rê
Ua
pot
Ua

Te Mau Parau Apî



FAATITIAUARAA URI I TE PAE APATOERAU I AMERIKA.

I te man matahiti atoa, i te pae apatoerau i te fenua Marite, ua faantereia te hoé hororaa no te uri. Ua faatitiauhia te uri maitatai, e na tamata ratou e to ratou mau fatu ia riro te rê no te hororaa. I teie matahiti na riro te rê ia Earl Kimball e ta'na na uri e pae, no taua hororaa ra. Ua horô ratou, na nia i te niona paia, e 25 maile i te taima poto roa, oia hoi, e hoé hora e pae ahuru ma hitu minuti. Ua farii oia e hoé tautani dara, moni Marite, no taua rê ra.

I te fenua Nicaragua, ua faatorahia te hoé vahine ei raatira rahi no te hoé pupu faehau. Te faatere nei oia i te hoé pupu no te pupuhi taviri, (machine gun) e ua tae mau oia i te vahi tamaí.

I te 26 no Febuare i te fenua Marike, ua tapea-potohia te paraparau niuniu i ropu i te na fenua Marite e Bare-tane. No te puai o te vero na nia i te moana (Atlantic) i tafifihia'i taua ohipa ra.

I te 5 no Mati, ua tupu te hoé ati rahi roa i te fenua ra i Madagascar, fatata roa i te fenua Aferika Apatoa. Ua pohe roa e pae hanere taata, e ua parare hoi na pahi auahi e piti. Ua haamou-atoa-hia te oire ra o Tamatave.

I te oire rahi no te Hau Amerika, (Washington D. C.) e i te fare no te Peretitini rahi no te Hau Marike, te parahi nei te hoé taata ereere. E tavini oia no te Peretitini rahi; tei ia'na te haapaoraa i te mau puaahorofenua e te mau uri e te mau manu tei tapeahia no te faaneheneheraa i te fenua e no te hautiraa no te mau taata i reira. E taata itoitō roa oia i ta'na ohipa e te oaoa atoa ra oia i taua ohipa maitai ra i roto i te mau matahiti i mairi aénei. I roto râ i te avae i mairi aénei ua farii te Peretitini i te hoé parau niuniu no te fenua Aferika Apatoa, mai te faaiteraa'tu ia'na e, e ho-roahia ia'na te tahi na liona ei tapao o te aroha no te oire ra ia Johannesburg. E no reira i faaue atu ai te Peretitini i te taata ereere ia faanehenehe i te hoé vahi faaearaa no taua na liona ra. Ua feruri oia ma te raúraúraa i to'na upoo, e ua ui atura oia i te Peretitini e, e na liona taehae e te ino anei? Ua pahono atura te Peretitini ia'na e, e ere ia te mea ino roa maori râ e hohoní raua mai te mea e haapeapeahia raua. Tupu ihora te feruriraa hohonu roa i te taata ereere, e e mea huru tapitapi to'na manaó i nia i te huru o ta'na ohipa i teie néi mau mahana.

I te oire ra o Chicago i te fenua Marike, te ora nei te hoé aiu, o Harmon Loeb to'na i'oa, e e pae noa iho hepedoma to'na. Noa'tu râ to'na apîraa e uehenehe noa ia'na ia haere na raro ma te tauturu ore. E hoé taote rahi to'na Metua tane no te oire ra, e ua imi maite oia i te ravea ia tupu maitai taua aiu ra. Tei ia'na te hoé machine tei hamani i te maramarama, e ua faahopuhia taua aiu ra i roto i te maramarama i parauhia (ultra violet rays). E hoé ahuru ma pae minuti te maoro no te hopuraa hoé, e ua faahopuhia oia i te mau mahana atoa. Ua imi-atoa-hia te tahi mau hautiraa no taua aiu ra ia faaitoito e ia faaetaeta i to'na tino. Hou oia i fanau ai ua faaterehia taua mau ravea maitai ra i nia iho i to'na metua vahine, e i teie nei ua pee mai te mau maitai no te reira mau ravea i nia i te aiu.

I te avae Mati i mairi aénei, ua tupu te hoé ueueraa fenua i te fenua ra o Iapone. Ua pohe e maha tautani e hitu hanere e hitu ahuru e ma maha taata, e aita ia oti roa te taióraa. Ua haamouhia e toru tautani e pae hanere e piti ahuru e ma iva fare i roto i te ueueraa fenua, e ua paapaa e toru tautani e ono hanere e maha ahuru e ma ono fare i te auahi, e ia amuihia ratou e haere ia i nia i te hitu tautani fare i pau ai. Ua tiahi-ê-hia te mau taata i rapae au i to ratou mau utuafare, te tahi pae no ratou aita e ahu e aita hoi e maa, te haere noa râ ratou i roto i te mataí i te tau toitoi. Ua tonohia te mau pahi no te afairaa'tu i te maa e te ahu e te mau taata tauturu i te fenua Iapone. E ua imihia te mau ravea atoa ia tauturu ia ratou i roto i ta ratou tau ati. Te tauturu atoa nei te mau faehau Iapone i roto i te ohipa faaora, e ua rave-atoa-hia te mau uri no te afairaa atu i te maa i te mau taata i tafifihia i roto i te ati rahi ra.

Ua faarahihia te mau ravea no te parau niuniu i te fenua Baretane e te fenua Farane. Ua tuuhia te tahi mau niuniu apî i raro aé i te fenua, e e nehenehe ia ratou ia paraparau i te mau vahi atoa i Europe. Ua haamatahia taua ohipa no te faaapîraa ra i ta ratou mau niuniu i te matahiti 1914, e ua pau e hoé hanere milioni dara i te fenua Baretane no taua ohipa ra.

I roto i te avae Fepuare, ua tupu te hoé vero rahi roa i te na tufaa fenua ra o Delaware e o Maine i te fenua Marike i te pae i te hitia o te râ. Ua pohe i roto i taua ati ra e 21 taata e te vai atura te tahi mau taata aita i taióhia. No te puai o te mataí e te miti i hurihia'i te tahi mau pahi i uta, e i te hoé vahi i parauhia Staten, ua haere roa te miti i nia i te fenua. I taua vahi ihora i tiahi-ê-hia'tu e 1500 taata mai roto mai i to ratou mau fare ra. Te faufaa e te mau fare e te moni i pau i roto i taua ati ra, e haere roa ia i roto i te mau milioni dara.

Ua maere tatou ia feruri tatou i nia i te mau peu êê no te mau taata atoa i te ao nei. Te vai ra te hoé haapaoraa i te fenua Rusia o tei manaó e, mai te mea e hahu ratou i ta ratou taa, e e faarue ratou i to ratou umeume, e faaore ia ratou i te ravea ia tae ratou i te basileia o te ao ra. I te anotau tahito na rave te mau taata eiâ i te hoé pen êê, oia hoi, ia farerei ratou i te hoé taata i te haere i nia i te purumu, faaue atura ratou ia'na ia horoa mai i ta'na moni e aore râ i to'na umeume. No reira, aita te mau taata hoo reza e manuia i taua ohipa ra i te fenua Rusia.

Alma G. Burton Imprimeur,

Rue Brea et de la rue Dumont d'Urville, Orovini, Papeete